

აჭარის ა.რ მთავრობის საქვეუწყებო დაწესებულება საავტომობილო  
გზებისა და სამელიორაციო სისტემების მართვის დეპარტამენტი



კონკურსის მეშვეობით საპროექტო მომსახურების  
შესყიდვის განცხადება

წინამდებარე საკონკურსო განცხადება შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების საფუძველზე.

2011 წელი, ქ.  
ბათუმი

## სარჩევი

საკონკურსო განცხადება.....	3
ტექნიკური დავალება .....	6
ხელშეკრულების პროექტი .....	12
რეკვიზიტები -----	19
ხარჯთაღრიცხვა -----	20

## საკონკურსო განცხადება

1. აჭარის ა.რ მთავრობის საქვეუწყებო დაწესებულება საავტომობილო გზებისა და სამელიორაციო სისტემების მართვის დეპარტამენტი აცხადებს კონკურსს ქ. ბათუმში „აეროპორტი-გონიო“-ს ახალი საავტომობილო გზის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენის მომსახურების სახელმწიფო შესყიდვაზე და იწვევს კონკურსში მონაწილეობის მისაღებად ყველა დაინტერესებულ პირს.
2. კონკურსის მიზანია ტექნიკური დავალებით გათვალისწინებული დეპარტამენტისათვის საჭირო საპროექტო-სახარჯთაღრიცხვო დოკუმენტაციის შედგენაზე გამარჯვებულის გამოვლენა და შემდგომში გამარჯვებული კონკურსანტის მიერ საპროექტო-სახარჯთაღრიცხვო დოკუმენტაციის შედგენა.
3. შესყიდვის სავარაუდო ღირებულება შეადგენს **200 000(ორასიათასი) ლარს**.
4. საკონკურსო წინადადების წარდგენისთვის პირი იხდის საფასურს 50 (ორმოცდაათი) ლარის ოდენობით. საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებ-გვერდზე (<http://procurement.gov.ge>).
5. საფასურის გადახდის დამადასტურებელ დოკუმენტში მითითებული უნდა იყოს:
  - ა) გადახდის დამადასტურებელი დოკუმენტის უნიკალური ნომერი და გადახდის თარიღი;
  - ბ) შემსყიდველი ორგანიზაციის დასახელება და საიდენტიფიკაციო კოდი;
  - გ) კონკურსანტის დასახელება და საიდენტიფიკაციო კოდი;
  - დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.
6. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს, არ განიხილება. ამასთან, მე-4 ან მე-5 პუნქტის დარღვევით წარდგენილი საფასურის გადახდის დამადასტურებელი დოკუმენტის შემთხვევაში, პირის საკონკურსო წინადადება ექვემდებარება დისკვალიფიკაციას.
7. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე.
8. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე და ხელმოწერილი უნდა იყოს შესაბამისად უფლებამოსილი პირის მიერ.  
შენიშვნა: დოკუმენტების ან/და ინფორმაციის უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი. აღნიშნულ შემთხვევაში უპირატესობა ენიჭება ქართულ თარგმანს.
9. საკონკურსო წინადადების მიღება იწყება 2011 წლის 7 ნოემბერს.
10. საკონკურსო წინადადების მიღება მთავრდება 2011 წლის 8 ნოემბერს 15 საათზე.

11. დაინტერესებულმა პირებმა საკონკურსო წინადადება დასრულებული პაკეტი უნდა წარმოადგინონ 2011 წლის 8 ნოემბერს 15 საათამდე, შემდეგ მისამართზე: , ქ. ბათუმი, ჯავახიშვილის ქ. №72, საავტომობილო გზებისა და სამედიცინო სისტემების მართვის დეპარტამენტი.

12. დაგვიანებით წარმოდგენილი საკონკურსო წინადადება არ განიხილება და დაუბრუნდება კონკურსანტს.

13. ანგარიშსწორება განხორციელდება უნაღდო ანგარიშსწორებით ეროვნულ ვალუტაში საკონკურსო განცხადებისა და საკონკურსო დოკუმენტაციით გათვალისწინებული მომსახურების სრულად გაწევის შემდეგ, მიღება-ჩაბარების აქტისა და ანგარიშ-ფაქტურის საფუძველზე.

14. წინასწარი გადახდა(ავანსი) არ გამოიყენება.

15. კონკურსანტმა საკონკურსო წინადადებაში უნდა მიუთითოს:

- საკონკურსო წინადადების ფასი (დღგ-ს ჩათვლით), წინადადების ფასი წარმოდგენილი უნდა იყოს მხოლოდ ლარში;

შენიშვნა: იმ შემთხვევაში თუ კონკურსანტი არ არის დღგ-ს გადამხდელი, საქართველოს კანონმდებლობის შესაბამისად, მისი საკონკურსო წინადადება წარმოდგენილი უნდა იყოს დღგ-ს გარეშე.

- ინფორმაცია კონკურსანტის მიერ განხორციელებული ანალოგიური სახის პროექტების შესახებ (კონკურსანტმა უნდა წარმოადგინოს ინფორმაცია უკანასკნელი 2(ორი) და მიმდინარე წლის განმავლობაში განხორციელებული ანალოგიური ტიპის(საავტომობილო გზების რეაბილიტაციისა და მშენებლობის საპროექტო-სახარჯთაღრიცხვო დოკუმენტაციის შედგენა) მომსახურების გამოცდილების შესახებ.

შესყიდვაში მონაწილეობის მსურველმა პირმა უნდა წარმოადგინოს უკანასკნელი 2(ორი) და მიმდინარე წლის განმავლობაში ანალოგიური ტიპის მომსახურების მიწოდებაზე გაფორმებული ხელშეკრულებების რეესტრი.

- ხარჯთაღრიცხვა (დანართი№2)
- რეკვიზიტები(დანართი№1);

16. კონკურსანტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადებები არ განიხილება.

17. საკონკურსო წინადადება, რომლის ფასი აღემატება შესყიდვის სავარაუდო ღირებულებას (200000 ლარი) არ განიხილება.

18. საკონკურსო წინადადების შეფასება და გამარჯვებული კონკურსანტის გამოვლენა:

- კონკურსანტის გამოცდილება: კოეფიციენტი – 0.4.
- საკონკურსო წინადადების ფასი: კოეფიციენტი – 0.6.
- შეფასება განხორციელდება 10 ქულიანი სისტემით
- კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად განაწილების შემთხვევაში გადაწყვეტია საკონკურსო კომისიის თავმჯდომარის მიერ მინიჭებული ქულა.

19. საკონკურსო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე. შემსყიდველი ორგანიზაცია ვალდებული არ არის, კონკურსანტს აუნაზღაუროს შესყიდვაში მონაწილეობასთან დაკავშირებული ხარჯები.

20. კონკურსში მონაწილე პირი ვალდებულია ქ. ბათუმში ყავდეს წარმომადგენელი, რომელიც ოპერატიულად შეძლებს ობიექტზე მასალების შეგროვებას და დამუშავებას.

21. გამოყენებულ იქნება ხელშეკრულების შესრულების უზრუნველყოფის საბანკო გარანტია მთლიანი სახელშეკრულებო ღირებულების 5%-ს ოდენობით.

22. საკონკურსო პირობებთან და შესყიდვის ობიექტთან დაკავშირებული განმარტებების მიღება კონკურსანტს შეუძლია შემდეგი საკონტაქტო პირისგან: ქ. ბათუმი, ჯავახიშვილის ქ. №72, საავტომობილო გზებისა და სამედიორაციო სისტემების მართვის დეპარტამენტი. საკონტაქტო პირი:

კობა ხინიკაძე ტელ: 599 170824, 8(422)247366.

2.8. შესყიდვის ობიექტის ტექნიკური დავალება:

### გასაწევი მომსახურების ჩამონათვალი

შესყიდვის საორიენტაციო ღირებულება შეადგენს 200 000(ორასიათასი) ლარს.

გასაწევი მომსახურება:

ქ. ბათუმში „აეროპორტი-გონიო“-ს ახალი I კატეგორიის საორიენტაციოდ 7(შვიდი) კმ-მდე საავტომობილო გზის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენის შესყიდვა.

მომსახურების  
სახეობა:

1. საგულე კვლევა-ძიება და კამერალური სამუშაოები;
2. საპროექტო სამუშაოები;
3. სახარჯთაღრიცხვო დოკუმენტაციის მომზადება, ნახაზების შედგენა და ობიექტის საგარეუდო ღირებულების დადგენა;
4. ობიექტის საბოლოო პროექტის შედგენა 4(ოთხ) ეტაპზე და მისი ელექტრონული

ვარიანტი. საჭირო შემთხვევებში დამატებითი მომსახურების გაწევა:

5. დეფექტური უწყისებით ხარჯთაღრიცხვების შედგენა;
6. ტექნიკურ-ეკონომიკური დასაბუთება;

### ტექნიკური პირობები

წინამდებარე ტექნიკურ პირობებში და დავალებაში მოცემულია მითითებები, რითაც უნდა იხელმძღვანელდეს „ მიმწოდებელმა“, რომ დამუშავდეს დაბალი ფასის მქონე მაღალხარისხიანი საპროექტო დოკუმენტაცია, მათ ხელთ არსებული და მისაღები ტექნოლოგიების გამოყენებით.

მიმწოდებელს მოეთხოვება განსაზღვრულ მონაკვეთზე სამშენებლო სამუშაოებისათვის საჭირო საკვლევა-ძიებო და საპროექტო დოკუმენტაციის მომზადება და სატენდერო დოკუმენტაციის შედგენა.

ორმხრივად შეთანხმებული განსაზღვრებები ხელშეკრულების შესრულების მთელ პერიოდში უცვლელია.

მიმწოდებელი ვალდებულია ქ. ბათუმში ყავდეს წარმომადგენელი, რათა ოპერატიულად მოხდეს დეპარტამენტის მიერ მიწოდებული ობიექტის (საპროექტო დავალების) შესწავლა, ინფორმაციის შეგროვება და საჭირო მასალების დამუშავება.

მიმწოდებელი ვალდებულია ხელშეკრულების გაფორმებიდან 30(ოცდაათი) კალენდარულ დღეში წარმოადგინოს ზემოთაღნიშნული ობიექტის სრულფასოვანი პროექტი(საპროექტო დოკუმენტაცია).

მიმწოდებელი ვალდებულია გაითვალისწინოს, რომ აღნიშნულ მომსახურებაში არ შედის ჭოროხის სანაპიროზე ნიღის მშენებლობის საპროექტო დოკუმენტაციის შედგენა.

მიმწოდებელი პასუხისმგებელია სრულყოფილი საპროექტო – სატენდერო დოკუმენტაციის ხარისხიანად დამუშავებაზე და სამშენებლო სამუშაოების სახარჯთაღრიცხვო დოკუმენტაციის შედგენაზე.

იმ შემთხვევაში, თუ მიმწოდებლის დაშვებული ხარვეზების გამო მშენებლობის პროცესში აღმოჩნდება საპროექტო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ ანაზღაურებას მიმწოდებელი იღებს თავის თავზე.

მიმწოდებელი ვალდებულია საპროექტო სამუშაოები შეასრულოს საგზაო სამუშაოების კლასიფიკაციის ინსტრუქციის შესაბამისად (საუწყებო სამშენებლო ნორმები) და ტექნიკური დავალებით გათვალისწინებული პირობებით:

- \* საკვლევაძიებო და საპროექტო სამუშაოების დროულად და ხარისხიანად შესრულებისათვის მოახდინოს დაინტერესებულ ორგანიზაციებთან და პირებთან პროექტის საჭირო წინასწარი შეთანხმებები გარდა სამშენებლო მოედნისა, ტერიტორიის გამოყოფის და განთავისუფლებისა, რომელიც წარმოადგენს შემსყიდველის მოვალეობას;
- \* მიმწოდებელმა უნდა მოახდინოს მოქმედი კარიერების და ინერტული მასალების დამამზადებელი პოტენციური ორგანიზაციების შერჩევა;
- \* პროექტებში გათვალისწინებულ უნდა იქნეს მშენებლობაში მიღწეული და დაგროვილი საერთაშორისო გამოცდილებები ახალი ტექნოლოგიებისა და მოწყობილობების გამოყენებით საქართველოს სპეციფიკური პირობებიდან გამომდინარე;
- დეფექტური უწყისებით ხარჯთაღრიცხვების შედგენისას პროექტების ღირებულება მიმწოდებელმა უნდა განსაზღვროს დასაბუთებული კალკულაციებით და ღირებულებებით.

**მიმწოდებელი ვალდებულია სამუშაოების სახეობების და კონსტრუქციული ელემენტების პროექტირებისას იხელმძღვანელოს საქართველოში მიღებული შესაბამისი ნორმებით და სტანდარტებით.**

სხვადასხვა მიზეზების გამო, საჭირო შემთხვევებში, მიმწოდებელთან შეთანხმებით, შემსყიდველი იტოვებს უფლებას შეიტანოს ცვლილებები შეთანხმებულ საწყის გეგმაში: გაზარდოს ან შეამციროს მომსახურების საერთო მოცულობა.

მომსახურების გაწევას “მიმწოდებელი” ასრულებს საკუთარი ძალებით. ხელშეკრულებით გათვალისწინებული მომსახურების მოცულობის 30%-მდე დასაშვებია გადაეცეს “შემსყიდველის” მიერ მოწონებულ ქვეყნარე ორგანიზაციას.

მომსახურების ნაწილის ქვეყნარაზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებისაგან.

ასანაზღაურებელი მომსახურების მოცულობა განისაზღვრება ორმხრივი ხელმოწერილი აქტის<sup>7</sup> საფუძველზე.

შესყიდვის ობიექტის დასახელება:

ქ. ბათუმში „აეროპორტი-გონიო“-ს ახალი I კატეგორიის საორიენტაციოდ 7(შვიდი) კმ-მდე საავტომობილო გზის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენა.

1. დავალების შინაარსი

ობიექტის პროექტირება მოიცავს საველე კვლევასაძიებო სამუშაოებს, მონაცემების კამერალურ დამუშავებას და პროექტირებას.

განსაკუთრებული პირობები- ობიექტის ძირითადი ტექნიკური პირობები და პარამეტრები:

ახალი I კატეგორიის საორიენტაციოდ 7(შვიდი) კმ-მდე საავტომობილო გზა.

ა) - განივი პროფილის ძირითადი პარამეტრები:

- 1) საგალი ზოლის რაოდენობა – 4.
- 2) საგალი ზოლის სიგანე – 3.5მ.
- 3) საგალი ნაწილის სიგანე - 2X7.0მ.
- 4) გამაგრებული ზოლის სიგანე გვერდულზე – 0.5მ.
- 5) გამყოფი ზოლის სიგანე – 1.0მ.
- 6) გამაგრებული ზოლის სიგანე გამყოფ ზოლზე – 0.5მ.
- 7) ტროტუარის სიგანე – 2.0მ.
- 8) გაზონის სიგანე – 1.0მ.
- 9) მიწის ვაკისის სიგანე I ტიპი – 23.0მ; II ტიპი – 19.0მ.

ბ) – ხელოვნური ნაგებობები

- 1) ორი რკინაბეტონის ხიდი (მარჯვენა-მარცხენა მიმართულებები) მაღის სივრძე – 24.0მ.

Γ – 8

Π – 1.5

HK – 80

- 2) რკინაბეტონის წყალგამტარი მილები





2.9. გასაწევი მომსახურების ხარჯთაღრიცხვა და ფასები:

2.9.1. პროტენდენტმა უნდა წარმოადგინოს გასაწევი მომსახურების ხარჯთაღრიცხვა დანართი #2-ის მიხედვით.

2.9.2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.10. მომსახურების გაწევის ვადები:

2.10.1. საპროექტო მომსახურების ვადაა:

ხელშეკრულების გაფორმებიდან 30(ოცდაათი) კალენდარული დღის პერიოდი.

ხელშეკრულებით გათვალისწინებული ვადების დარღვევისათვის დამრღვევ მხარეს ეკისრება ხელშეკრულების სპეციფიკური პირობებით გათვალისწინებული პასუხისმგებლობა.

ხელშეკრულება მოქმედებს მხარეთა მიერ ნაკისრი ვალდებულებების სრულად შესრულებამდე.

### 3. ხელშეკრულების პროექტი

#### სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება კონკურსის ჩატარების შედეგად. ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ბათუმი

----- 2011 წ.

აჭარის ა.რ. მთავრობის საქვეუწყებო დაწესებულება – საავტომობილო გზებისა და სამედიცინო სისტემების მართვის დეპარტამენტი, მისი თავმჯდომარის მერაბ ცინცაძის სახით, შემდგომში – შემსყიდველი, ერთის მხრივ და ----- სახით, შემდგომში – მიმწოდებელი, მეორეს მხრივ, `სახელმწიფო შესყიდვის შესახებ` საქართველოს კანონის მე-3 მუხლის პირველი პუნქტის `ე` ქვეპუნქტის საფუძველზე, ვდებთ წინამდებარე

ხელშეკრულებას შემდეგზე:

#### 1. ხელშეკრულების საგანი და ობიექტი

1.1 ხელშეკრულების საგანია 2011 წლის განმავლობაში მიმწოდებლის მიერ ქ. ბათუმში „აეროპორტი-გონიო“-ს ახალი I კატეგორიის საორიენტაციოდ 7(შვიდი) კმ-მდე საავტომობილო გზის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენა – შემდგომში მომსახურება.

#### 2. ხელშეკრულების ღირებულება

2.1 შესასყიდი მომსახურების ფასი განისაზღვრება ლარებში:

2.2 შესასყიდი მომსახურების საერთო ღირებულება შეადგენს ----- (-----) ლარს, რაც შეიცავს ხელშეკრულებით გათვალისწინებულ ყველა თანმდევ ხარჯს, მათ შორის, დ.დ.გ.-ს

2.3 ხელშეკრულების ფარგლებში შესასყიდი მომსახურების გარკვეული ნაწილის

აუთვისებლობის შემთხვევაში, მიმწოდებელს არ უნდა გააჩნდეს პრეტენზია დარჩენილ თანხაზე.

### 3. მომსახურების გაწევის პირობები

3.1. მიმწოდებელი ვალდებულია შეასრულოს მომსახურება ხელშეკრულებით და კონკრეტულ პროექტზე ტექნიკური დავალებებით განსაზღვრულ ვადებში.

3.2. მიმწოდებელი ვალდებულია ქ. ბათუმში ყავდეს წარმომადგენელი, რომელიც ოპერატიულად შეძლებს ობიექტზე მასალების შეგროვებას და დამუშავებას.

3.3. შემსყიდველი და მიმწოდებელი ერთობლივად განიხილავენ ყოველ ცალკეულ ობიექტზე მომსახურების გაწევის მიმდინარეობის საკითხებს და საჭიროების შემთხვევაში შეაქვთ მასში სათანადო ცვლილებები. ხელშეკრულების დამდებ არც ერთ მხარეს არ აქვს უფლება შეიტანოს ყოველ ცალკეულ ობიექტზე მომსახურების გაწევის ვადებში ცვლილებები მეორე მხარესთან შეთანხმების გარეშე. ვადებში ცვლილებები დასშვებია მხოლოდ მხარეთა შეთანხმების საფუძველზე.

3.4. შემსყიდველთან შეთანხმებით მიმწოდებელი გააფორმებს ქვე-კონტაქტს. თანხმობა აუცილებელი არ არის, თუ ქვე-კონტაქტის გაფორმების თაობაზე მიმწოდებელს გაცხადებული პირობები სატენდერო წინადადებაში (პროგრამაში). ქვე-კონტაქტის შინაარს არ ცვლის მიმწოდებლის ვალდებულებებს და პასუხისმგებლობებს. მიმწოდებელი ვალდებულია შეასრულოს თავისი სატენდერო წინადადებაში წარმოდგენილი პროგრამა. პროგრამაში ცვლილებების შეტანა დასაშვებია შემსყიდველის თანხმობით.

3.5. მიმწოდებლის საატენდერო წინადადება (ტექნიკური დოკუმენტაცია, საკვალიფიკაციო

მონაცემები, ხარჯთაღრიცხვა და სხვა დოკუმენტაცია) თან ერთვის და წარმოადგენს წინამდებარე ხელშეკრულების განუყოფელ ნაწილს.

### 4. დაზღვევა

არ გამოიყენება

### 5. შესყიდვის ობიექტის მიღება-ჩაბარების წესი

5.1. მომსახურების დასრულებულ დოკუმენტაციას (ნახაზები, ხარჯთაღრიცხვები, სატენდერო დოკუმენტაცია და სხვა შემავალი დოკუმენტები) შემსყიდველი დებულობს მიმწოდებლისაგან ტექნიკურ საბჭოზე განსახილავად და დასამტკიცებლად. ხოლო პროექტის დამტკიცების შემდეგ შესდგება ორმხრივი საბოლოო აქტი დასრულებული საპროექტო სამუშაოების მიღება-ჩაბარებაზე. ტექნიკური დავალებით განსაზღვრული შუალედური (ეტაპობრივი) მოცულობების განხილვა და მისი

ანაზღაურება განისაზღვრება ზემოთ აღნიშნული წესით. შესყიდვის ობიექტის ან მისი ნაწილის (ეტაპის) მიღების და საბოლოო შემოწმების ადგილია აჭარის საავტომობილო გზებისა და სამელიორაციო სისტემების მართვის დეპარტამენტის ოფისი და საჭირო შემთხვევებში, გზის მონაკვეთი.

5.2. შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღებაზე და ანაზღაურებაზე, თუ შუალედური კონტროლის შედეგები იყო უარყოფითი. 11

5.3. ყოველ ცალკეულ ობიექტზე განხორციელებული მომსახურების მიღებას და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

## 6. გარანტია

მიმწოდებელი გაუწევს მომსახურებას საქართველოში მოქმედი სტანდარტებისა, წესებისა, ნორმებისა და ტექნიკურ პირობებში გათვალისწინებული მოთხოვნების შესაბამისობის გარანტიით..

მომსახურების გაწევისთვის გამოყენებული ძირითადი სტანდარტები და ნორმები:

საქართველოში მოქმედი სტანდარტები, წესები და ნორმები.

## 7. ანგარიშწორება

7.1 ანგარიშწორება მიმწოდებელთან განხორციელდება ამ პუნქტში მითითებული ფორმითა და ვადებში.

7.2 ანგარიშწორების პირობები: ანგარიშსწორების ფორმა: უნაღდო.

7.3 ანგარიშსწორება განხორციელდება ყოველ ცალკეულ ობიექტზე გაწეული მომსახურების ღირებულების შესაბამისად. ანგარიშსწორების განხორციელებისათვის მიმწოდებელმა უნდა წარმოადგინოს შემდეგი დოკუმენტები:

- ა) მიღება-ჩაბარების აქტი
- ბ) ანგარიშ-ფაქტურა გაწეულ მომსახურებაზე
- გ) დამატებითი ღირებულების გადასახადის ანგარიშ-ფაქტურა.

7.4 მიმწოდებელს არ უნდა ჰქონდეს პრეტენზია ხელშეკრულებით გათვალისწინებული საერთო ღირებულების აუთენსიციზაციის შემთხვევაში.

7.5 შემსყიდველი ვალდებულია აანაზღაუროს ყოველ ცალკეულ ობიექტზე გაწეული მომსახურების ღირებულება განსაზღვრულ ვადებში ხელშეკრულებით გათვალისწინებული ფასების და პირობების გათვალისწინებით.

## 8. ფასები

8.1 მიმწოდებლის სატენდერო წინადადებაში დაფიქსირებული და შემსყიდველის მიერ შეთანხმებული გასაწევი მომსახურების ფასები წარმოადგენს ხელშეკრულების პირობების ძირითად პარამეტრებს.

8.2. ხელშეკრულების ერთეული ფასების შეცვლა ხელშეკრულების მოქმედების მთელი პერიოდის განმავლობაში დაუშვებელია. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით, მხოლოდ ინფლაციის მაღალი დონისა და საგადასახადო რეჟიმის შეცვლის შემთხვევაში, ასევე ყველა სხვა შემთხვევაში, რაც საქართველოს კანონმდებლობით არ არის აკრძალული. ასეთ შემთხვევაში, კონკრეტული გარემოების გათვალისწინებით, ცვლილებების გაანგარიშების წესს ადგენს 12 შემსყიდველი, რაზეც ფორმდება ხელშეკრულების დანართი.

## 9. ხელშეკრულების შესრულების გარანტია

გამოყენებულ იქნება ხელშეკრულების შესრულების უზრუნველყოფის საბანკო გარანტია მთლიანი სახელშეკრულებო ღირებულების 5%-ს ოდენობით.

## 10. ხელშეკრულების პირობების შეუსრულებლობა

10.1. მხარეები პასუხს აგებენ ხელშეკრულებით განსაზღვრული პირობების შეუსრულებლობისათვის საქართველოს კანონმდებლობით დადგენილი წესით.

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობების და გადახდის ვადები განსაზღვრულია ამ მუხლით.

10.3. ხელშეკრულების არაჯეროვნად შესრულებისთვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ჯამური ღირებულების 0,3% ოდენობით და უზრუნველყოს დარღვეული უფლებების დაუყოვნებლივ გამოსწორება. იმ შემთხვევაში თუ დამრღვევი მხარე არ გამოასწორებს დარღვეულ უფლებას, მეორე მხარე უფლებამოსილია დამატებით გამოიყენოს ამ მუხლით გათვალისწინებული სანქციები.

ხელშეკრულების პირობების ვადის დარღვევის შემთხვევაში დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ჯამური ღირებულების 0,1%-ს ოდენობით ყოველ გადაგადაცილებულ დღეზე.

იმ შემთხვევაში თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს შემსყიდველს და მიმწოდებელს უფლება აქვს შეწყვიტოს ხელშეკრულება.

10.4. საჯარიმო სანქციების გადახდა არ ათავისუფლებს მიმწოდებელს ძირითად ვალდებულებების შესრულებისაგან.

## 11. გადასახადები და ბაჟები

11.1. უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, დაბეგურის თანხის, მოსაკრებლების და სხვა გადასახადების გადახდაზე, რომლებიც გადასახადელია საქართველოს ფარგლებში.

11.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლის და სხვა გადასახადების გადახდაზე.

## 12. ფორს-მაჟორი

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების

შესრულების ვადა გადაიწევს შესაბამისი დროით გარემოებათა დასარულების შემდეგ.

12.2 თუ სახელშეკრულებო ვალდებულების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება დამატებითი კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორი გარემოება, დაუყოვნებლივ აცნობებს მეორე მხარეს ამის შესახებ.

## 13. დავები და მათი გადაწყვეტის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების

მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად.

## 14. ხელშეკრულების შესრულების კონტროლი

14.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლი, ხელშეკრულების მოქმედების მთელი პერიოდის განმავლობაში, ეკისრება შემსყიდველის მიერ შექმნილ ინსპექტირების ჯგუფს ან სათანადო უფლებამოსილებით აღჭურვილ პირს.. მიმწოდებელი ვალდებულია ყოველგვარი დაბრკოლებისა და შეზღუდვების გარეშე უზრუნველყოს ინსპექტირების განხორციელება. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

## 15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

15.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

15.3 ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

## 16. ხელშეკრულების მოქმედების ვადა

16.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან მხარეთა მიერ ნაკისრი ვალდებულებების სრულ და ჯეროვან შესრულებამდე ( ვადა – 2011 წლის ხელშეკრულების გაფორმებიდან 30 კალენდარული დღე).

## მუხლი 17. მხარეთა რეკვიზიტები და ხელმოწერები

შემსყიდველი:

აჭარის ა.რ. მთავრობის საქვეუწყებო დაწესებულება – საავტომობილო გზებისა და სამელიორაციო სისტემების მართვის დეპარტამენტი.

ხელმოწერა

მერაბ ცინცაძე

მიმწოდებელი:

ხელმოწერა -----ბ.ა.

4. დამატებითი ინფორმაცია:

4.1. საკონკურსო დოკუმენტაციასთან დაკავშირებული განმარტებების მიღება

პრეტენდენტს შეუძლია სატენდერო კომისიის აპარატში , ქ. ბათუმი, ჯავახიშვილის ქ. №72, საავტომობილო გზებისა და სამედიცინო სისტემების მართვის დეპარტამენტი. საკონტაქტო პირი:

კობა ხინიკაძე ტელ: 599 170824, 8(422)247366.



1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

2. საკონკურსო წესით შემოთავაზებული სატენდერო წინადადების ფასი:

3. საკონკურსო წინადადების ვადა:

დანართი #2

ქ. ბათუმში „აეროპორტი-გონიო“-ს ახალი საავტომობილო გზის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენის მომსახურების

შესყიდვა

### ხარჯთაღრიცხვა

<b>საპროექტო მომსახურების დასახელება</b>	<b>ღირებულება  ლარი</b>
1	4
ქ. ბათუმში „აეროპორტი-გონიო“-ს ახალი საავტომობილო გზის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენა	
სულ ხარჯთაღრიცხვით.	